

tetur, Omnibus uere penitentibus & confessis qui ad ipsam Ecclesiam in festis subscriptis, videlicet in die et anniuersario dedicacionis ipsius ecclesie, In festis Natiuitatis, Resurrectionis, Ascensionis Domini, Pentecostes, Sancte & indiuidue Trinitatis, Perpetue Virginis Marie, Michaelis Archangeli, Johannis Baptiste, Apostolorum Petri & Pauli, Johannis ewangeliste, Laurencij et Vincencij, Martirum. Beatorum Confessorum, Benedicti & Bernardi, Marie magdalene, et Scolastice virginum, Omnium sanctorum et per Octauas omnium sollempnitatum predictarum, causa deuocionis accesserint, uel manum porrexerint adiutricem, Nos de omnipotentis dei misericordia & beatorum Apostolorum Petri et Pauli auctoritate confisi, vnam Quadragenam annis singulis de iniuncta sibi penitencia, dummodo consensus & uoluntas diocesani accesserit, misericorditer relaxamus. In cuius rei testimonium presentem paginam sigilli nostri munimine duximus roborandam. Datum Scaris Anno Domini, Millesimo, Ducentesimo Octogesimo Nono. In Natiuitate Beate virginis.

Sigillet, hängande i hvita och bruna trådar, är något skadadt.

1005.

1289. d. 25 Nov.

Lund.

Dom-Prosten i Lund, Tungors Testamente, innehållande anslag af fastigheter till underhåll af ett altare i Domkyrkan, till årsbegängelse, m. m.

B. 1. 311.

Testamentum prepositi trugoti in quo est fundacio altaris ipsius cuius presentacio pertinebit ad fabricam Et eius anniuersarium tenebitur de bonis in sandby.

In nomine patris et filii et spiritus sancti Amen. Ego magister TRUGOTUS prepositus lundensis. sanus mente et corpore horam mortis ineuitabilem que michi magis ac magis. diebus suo cursu pretereuntibus appropinquat. piis operibus caute cupiens preuenire. in hunc modum meum condo testamentum. Lego igitur in primis ad altare per me constructum in ecclesia beati laurencii lundis in honorem sancte marie virginis et beati johannis ewangeliste et sancte katerine. iuxta quod meam eligo sepulturam. omnia bona mea in østre othørslef quam emi de domino allone presbitero cum omnibus mobilibus et immobilibus ad me pertinentibus in eadem. Jtem tres curias meas in rasryth in parochia æspingæ. cum omnibus suis. mobilibus et immobilibus. sub hoc modo scilicet. vt presbiter qui ipsum altare officiauerit pro tempore. redditus ex iam dictis bonis prouenientes. libere percipiat annuatim. excepta vna sola marcha. quam ad ornatum altaris supra-

dicti. singulis annis volo reseruari. Item vt idem presbiter missam omni die dicere teneatur vnam videlicet, in septimana de beata virgine. secundam et tericam de sancta katerina et beato Johanne ewangelista vicissim Alias vero dicat, de quibuscumque sibi placuerit. In quibus omnibus. mei memoriam habeat specialem. Item vt idem chorum in diebus festiuis frequentet et intersit vtrisque vesperis atque misse. Volo insuper, vt procurator fabrice ecclesie lundensis. memorato altari de presbitero prouideat et instituat. quem tunc velit. Preterea lego fabrice ecclesie lundensis omnia bona mea in sandby cum mobilibus et immobilibus michi attinentibus ibidem. Ita tamen quod ex redditibus exinde prouenientibus .XII. ore deducantur. quarum vna marcha canonicis dimidia vero marcha vicariis qui in anniuersario meo vigiliis et misse interfuerint diuidentur modo, quo poterit, equiori: Item dimidia marcha ad offerendum. Item dimidia marcha pauperibus scolaribus erogetur. Residuum vero fabrice vt pretactum fuit. libere cedat. Item lego claustro in Dalby IIII. marchas, claustro in øwith marcham, Claustro in tumæthorp marcham, claustro in bæckæskough. marcham, Griseis monachis de hærwado. IIII. marchas, claustro in bosæ marcham, claustro in byrthingæ. marcham Claustro de asilo. marcham claustro omnium sanctorum lundis marcham. Cuilibet ecclesie parrochiali ibidem duas oras presbiteris earundem. cuilibet tantum. excepta ecclesia in lata platea. cui confero duas marchas. sacerdoti eius. marcham et dyacono ibidem duas oras. claustro monialium sancti petri lundis marcham. Ecclesie aos. marcham. ecclesie ællækøpinge marcham, Ecclesie asum duas marchas Cuilibet hospitali leprosum in skania. duas oras. hospitali sancti spiritus lundis. duas oras. fratribus predicatoribus lundis. dimidiam marcham. fratribus minoribus ibidem. tantum. fratribus minoribus in trælæburgh. dimidiam marcham. fratribus minoribus in Ystathæ. tantum. fratribus predicatoribus in aos dimidiam marcham. fratribus predicatoribus in hæslingburgh tantum. Ad horum solutionem obligo omnia bona mea mobilia que habeo in fundis prepositure et canonie et ecclesiarum in scania. Item confero ecclesie sancti lucii Roskildis X. marchas den. syalandensium, claustro æsærum duas marchas den. sialand. Ecclesie wik marcham den. sialand. Ad hec soluenda obligo curiam meam in færsløf. Exsequtores autem testamenti huius constituo difectos michi. nepotem meum Dominum joon billæ et dominum nicolaum gregorii concanonicos meos et dominum nicolaum magnusson. rogans eos. vt hiis omnibus obseruandis intendant diligenter et ea ordinent quemadmodum anime mee viderint expedire. et sicut coram summo iudice in die iudicii voluerint respondere. Vt autem hec omnia robur habeant firmitatis. fei presentes litteras discretorum dominorum, capituli lundensis. nec non et exsequtorum testamenti huius infrascriptorum. vna cum meo proprio. com-

muniri. Actum Lundis anno domini MCCLXXXIX in festo sancte katerine virginis.

1006.

1289 d. 26 Nov.

Etegi.

Konung MAGNUS Is gáfobref, på en del af Wetterskogen, till Warnhems kloster.

A. 3. a. 1.

MAGNUS dei gracia Sweorum Gothorumque rex Omnibus presentes litteras inspecturis salutem in domino sempiternam. Quoniam facta mortalium simul cum tempore labuntur & obliuionis iacturam, senciunt nisi munimentis litterarum allegentur & earum adminiculo ab obliuionis interitu defendantur. Idcirco tenore presencium constare volumus tam posteris quam modernis, Quod nos viris religiosis honestis ac deo deuotis Monachis ordinis Cisterciensis de Wernem spacium silue que dicitur Wætorskoger quod spacium situm est juxta Byæar seluarydh inter duos rivos videlicet fiscibech et Wxnabec protensum ab ipso lacu qui dicitur Wætor usque ad locum silue predictæ qui vocatur moenh ex utraque parte cuius spacii partem aliquantulam prefati monachi eciam prius comparauerant, accedente ad id voluntate bondonum in sepedicta silua ius habencium quibus bondonibus alibi pro ipsorum libito satisfecimus. Integraliter donamus infra prescriptas metas ab omni solucione liberum et conferimus absque calumpnia iure perpetuo possidendum. Ne igitur super premissa donacione possit aliquis in posterum dubitare. presentem seriem decreuimus sigilli nostri munimine roborare. si quis autem sepenominatos monachos super hac nostra concessione & donacione, infestare, molestare, seu quomodolibet inquietare presumpserit. nostram sine dubio senciet vlcionem. Datum Eteghi anno domini M^oCC^oLXXX^o.IX^o. In Crastino beate katerine virginis.

Sigillet, som hängt på röda silkestrådar, är bortfallet.

1007.

1289 d. 29 Nov.

AGNES MATTS DOTTERS testamente af fastigheter till Sigtuna och Sko kloster, m. m.

A. 4.

IN nomine patris & filii & spiritus sancti. Amen. Quum uarii sunt humane fragilitatis euentus & terminus mortis omnibus est incertus necesse est dubios casus certis rationibus preuenire, Ego igitur AGNES MATHÆI quondam